

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Banovići**  
**OPĆINSKI NAČELNIK**

Broj: 01-04-125/26

Datum; 19.01.2026.godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 34. Zakona o radu („Službene novine Federacije BiH“, broj 26/16 i 89/18), člana 43. Statuta općine Banovići („Službeni glasnik općine Banovići“, broj 2/20) i člana 7. Odluke o obavljanju stručnog osposobljavanja bez zasnivanja radnog odnosa broj: 01-04-125/26 od 19.01.2026.godine, Općinski načelnik objavljuje

#### **JAVNI POZIV**

**za angažovanje lica za obavljanje stručnog osposobljavanja bez zasnivanja radnog odnosa**

#### **I**

Pozivaju se nezaposlena lica visoke stručne spreme (VSS) i srednje stručne spreme (SSS) svih struka sa područja općine Banovići, koja su evidentirana kod JU Služba za zapošljavanje Tuzlanskog kantona - Biro za zapošljavanje Banovići, a nemaju radno iskustvo u struci, da se prijave za obavljanje stručnog osposobljavanja bez zasnivanja radnog odnosa radi njihovog osposobljavanja za samostalan rad odnosno sticanje uslova za polaganje odgovarajućeg stručnog ispita.

#### **II**

Lica će se angažovati u pravnim subjektima (organima i institucijama, javnim ustanovama, javnim preduzećima kao i privrednim društvima) na području općine Banovići kao i drugim pravnim subjektima sa područja Tuzlanskog kantona koji su zainteresovani za angažovanje istih, a sa kojima će općina Banovići zaključiti ugovor o angažovanju lica u svrhu stručnog osposobljavanja bez zasnivanja radnog odnosa.

Pojedinačne ugovore sa svakim licem zaključit će pravni subjekti koji budu angažovali ista za obavljanje stručnog osposobljavanja bez zasnivanja radnog odnosa.

#### **III**

Javni poziv je otvoren u kontinuitetu **od 19.01.2026.godine do 31.12.2026.godine** odnosno do utroška novčanih sredstava planiranih Budžetom općine Banovići za **2026.** godinu za pomenutu namjenu.

Javni poziv bit će objavljen na web stranici općine Banovići i na Oglasnoj ploči općine Banovići.

#### **IV**

Pravo prijave na Javni poziv imaju sva lica sa završenim VII stepenom stručne spreme, odnosno visokim obrazovanjem prvog, drugog ili trećeg ciklusa Bolonjskog sistema studiranja kao i sva lica sa završenom srednjom stručnom spremom koja nisu bila obuhvaćena stručnim

osposobljavanjem bez zasnivanja radnog odnosa do sada nakon sticanja visoke stručne spreme ili srednje stručne spreme u zanimanju za koja su se školovala, ukoliko je za obavljanje poslova u određenom zanimanju zakonom utvrđen kao uslov položen stručni ispit ili radno iskustvo, a koja imaju prebivalište na području općine Banovići i koja su prijavljena kao nezaposlena lica na evidenciji JU Služba za zapošljavanje Tuzlanskog kantona – Biro za zapošljavanje Banovići.

#### V

Stručno osposobljavanja bez zasnivanja radnog odnosa traje najviše 12 (dvanaest) mjeseci za lica sa završenim VII stepenom stručne spreme, odnosno visokim obrazovanjem prvog, drugog ili trećeg ciklusa Bolonjskog sistema studiranja, odnosno 6 (šest) mjeseci za lica sa završenom srednjom stručnom spremom.

#### VI

Uz popunjeni Prijavni obrazac (koji mogu dobiti u Centru za pružanje usluga građanima-Šalter sali), kandidati su dužni dostaviti sljedeću dokumentaciju (original ili ovjerenu fotokopiju):

1. Dokaz o stručnoj spremi (diploma/svjedočanstvo),
2. Uvjerenje o prebivalištu (Obrazac PBA 4, izdaje se u MUP-u, ne starije od tri mjeseca),
3. Uvjerenje JU Službe za zapošljavanje Tuzlanskog kantona-Biro za zapošljavanje Banovići da se lice nalazi na evidenciji nezaposlenih osoba (ne starije od tri mjeseca).

Dostavljena dokumentacija se ne vraća.

#### VII

Licima koja budu angažovana na stručnom osposobljavanju bez zasnivanja radnog odnosa utvrđena je naknada u neto iznosu na ruke od 300,00 KM (tristotine konvertibilnih maraka) i imaju pravo po osnovu osiguranja za slučaj povrede na radu i profesionalnog oboljenja koje osigurava općina Banovići u skladu sa propisima o penzijskom i invalidskom osiguranju.

#### VIII


Dokumentaciju iz tačke VI Javnog poziva zainteresirana lica mogu dostaviti neposredno putem Centra za pružanje usluga građanima (Šalter sale) općine Banovići.

#### IX

Proceduru angažovanja lica za obavljanje stručno osposobljavanja bez zasnivanja radnog odnosa po objavljenom Javnom pozivu, vršit će Služba za opću upravu, BiZ i socijalna pitanja.

Nepotpune prijave neće biti razmatrane.

**OPĆINSKI NAČELNIK**

  
*dr.sc. Mehmed Hasanović, dipl.inž.maš.*